



## **PRAVILNIK O IZDAVAŠTVU**

### **ISLAMSKE ZAJEDNICE BOŠNJAKA SJEVERNE AMERIKE**

#### Član 1.

Islamska Zajednica Bošnjaka Sjeverne Amerike (u daljem tekstu – IZBSA) kao vjerska, duhovna, moralna, kulturna i tradicionalna institucija Bošnjaka koji žive na području Sjeverne Amerike ima pravo baviti se izdavaštvom ili pak učestvovati kao suizdavač, finansijer ili sufinansijer naučnih djela, knjiga, udžbenika i ostalih pisanih radova.

#### Član 2.

IZBSA nema karakter humanitarne organizacije pa investicije i aktivnosti spomenute u članu 1. može činiti iz finansijskih, kulturnih, moralnih i odgojno-obrazovnih razloga i ciljeva a ne radi humanitarnih ciljeva.

#### Član 3.

Izvršni odbor IZBSA je nadležan za aktivnosti IZBSA iz člana 1.

#### Član 4.

Izvršni odbor IZBSA može, po potrebi, osnovati izdavačku kuću koja će se baviti aktivnostima iz člana 1.

#### Član 5.

Izvršni odbor IZBSA može, po potrebi, osnovati privremenu komisiju koja će se baviti aktivnostima iz člana 1.

Izvršni odbor IZBSA određuje broj članova komisije iz člana 4 te trajanje njihove aktivnosti, nadležnost komisije i sve ostalo vezano za komisiju iz člana 4.



## KARAKTER NAUČNOG DJELA

### Član 6.

IZBSA zadržava pravo da izdaje, suizdaje, finansira ili sufinansira samo djela od kojih boćnjački narod može imati koristi u vjerskom, obrazovnom, kulturnom, književnom, historijskom ili tradicionalnom smislu.

Djelo za koje se traži finansiranje ili izdavanje mora biti autorsko djelo a ne djelo koje je neko drugi napisao.

Naučno djelo, književno djelo, udžbenik ili neko drugo pisano djelo, da bi bilo predmetom ovog pravilnika, mora biti napisano, odnosno završeno.

Predmet ovog pravilnika ne može biti djelo koje ne postoji ili koje neko planira napisati, osim ako je to djelo koje je Izvršni odbor IZBSA naručio od neke stručne osobe a tiče se rada institucija i džemata IZBSA, kao što su udžbenici i ostali materijali za mektebsku nastavu, kalendari, takvimi, vaktije i sl.

Djelo koje može biti predmet ovog pravilnika može biti i drugo, treće itd. Izdanje, a ne samo prvo izdanje djela.

Djelo za koje se traži od IZBSA da ga finansira (sufinansira, bude izdavač ili suizdavač) mora biti ustupljeno ~~Upravnom~~ Izvršnom odboru IZBSA na analizu.

Izvršni odbor IZBSA garantira autoru da bez njegova znanja i dozvole nijedan dio djela neće biti objavljen od strane IZBSA.

### Član 7.

Karakter djela iz člana 5 kao i važnost učestvovanja u njegovom izdavanju, suizdavanju, finansiranju ili sufinansiranju će odrediti Izvršni odbor IZBSA ili komisija koju IO oformi a nakon analize djela.

## KARAKTER I LIČNOST AUTORA

### Član 8.



Autor koji želi da mu IZBSA pomogne u izdavanju ili finansiranju izdavanja rada treba posjedovati kvalitetne moralne osobine, ne smije biti neprijatelj Islamske Zajednice, muslimana i čovječanstva uopće.

#### Član 9.

Izvršni odbor IZBSA zadržava pravo da uradi analizu ličnosti autora djela koje planira izdati ili pomoći u izdavanju kako ne bi ukaljali čast Islamske Zajednice izdavanjem ili finansiranjem djela nemoralnih autora. Ta analiza će biti korištena samo u svrhe u koje je i rađena.

#### Član 10.

Izvršni odbor IZBSA se obavezuje da analizu ličnosti neće objaviti javno, kako ne bi tim činom naštetili autoru.

### **NAČIN APLICIRANJA ZA FINANSIJSKU POMOĆ ZA IZDAVANJE ILI POMOĆ U IZDAVANJU DJELA**

#### Član 11.

Autor koji traži od IZBSA pomoć u izdavanju djela dužan je podnijeti pismeni zahtjev Izvršnom odboru IZBSA i u tom zahtjevu pojasniti šta traži i očekuje od IZBSA. U zahtjevu je potrebno obrazložiti i predložiti budžet za izdavanje djela ili objasniti dio budžeta koji bi finansirao IZBSA, a na osnovu prethodno urađenog istraživanja o tročkovima štampe i izdavanja dotičnog djela. IO IZBSA zadržava pravo da predloži štampariju koja će posao obaviti za manje novca ili pak kvalitetnije obaviti pripremu i štampanje djela.

Djelo autora koji nije podnio pismeni zahtjev neće biti uzeto u razmatranje.

Uz pismeni zahtjev autor je dužan dostaviti Izvršnom odboru IZBSA i završeni primjerak djela u PDF-formi kako bi djelo bilo pročitano i utvrđena njegova naučna ili književna procjena.

#### Član 12.

Autor djela može tražiti od IZBSA da finansira cijeli projekat ili samo dio projekta izdavanja njegovog djela.



Član 13.

Izvršni odbor IZBSA zadržava pravo da odbije izdavanje ili finansiranje djela bez obrazloženja autoru djela.

Član 14.

Ako Izvršni odbor odluči da je u interesu IZBSA da izda ili finansira izdavanje djela nekog autora, tada će se potpisati ugovor o saradnji između autora i predsjednika IZBSA.

Član 15.

Za ispunjenje uvjeta ugovora i evnetulane sporove nadležan je sud u mjestu registracije tj. zvaničnog ureda IZBSA.


**PRAVOSNAŽNOST, IZMJENE I DOPUNE**

Član 16.

Ovaj Pravilnik stupa na snagu danom donošenja. Amandmani na ovaj pravilnik mogu se donositi samo na Skupštini IZBSA.

U Denver, Colorado

1. april 2018. g. / 15. redžeb 1439. h. g.



Dr. Hazim ef. Fazlić  
Predsjednik Skupštine  
Islamske Zajednice Bošnjaka Sjeverne Amerike